



National Agricultural Research Institute

## **Putim Mals (Drai Lip o Gras) Long Gaden**



### **LUKAUTIM YU YET LONG TAIM NOGUT**

NARI TOKTOK SERIES  
AIY012P

December 2002


Sapos yu laik save moa long dispela toktok na ol arapela wok bilong  
NARI, rait i kam long:

Information Centre  
NARI Main Highlands Programme  
Aiyura Valley  
PO Box 384  
KAINANTU  
Eastern Highlands Province

Telephone: (675) 737 3500/ 737 3561  
Facsimile: (675) 737 3516  
Email: [narimh@global.net.pg](mailto:narimh@global.net.pg)

## TOK IGO PAS

**MALS** em ol gras o lip bilong diwai ol i putim long karamapim graun long gaden.



Piksa 1. Mals i stap long as bilong frut diwai

## BELONG WANEM MALS I GUTPELA?

- ◆ Em i haitim graun long strong bilong san bai graun ino ken lusim wara na drai.
- ◆ Taim mals i haitim graun, wara i stap long graun na kaikai i ken kamap gut.
- ◆ Mals i save halivim ren wara igo gut insait long graun na i no wasim graun igo nabaut.
- ◆ Long ples drai, mals i pasim graun bai win i no karim igo.
- ◆ Mals i pasim rot bilong ol gras nogut long kamap.

- ◆ Taim mals i sting, em i givim gris long graun bai kaikai i ken kamap gut.
- ◆ Mals tu i wokim graun i lus na i no hatwok long dikim tumas long taim bilong planim.
- ◆ Long kaukau gaden, mals i ken pasim wara na binatang bilong kaukau (wivol) i no inap bagarapim kaukau.
- ◆ Long ples kol, karamap bilong mals i save hatim na daunim bagarap bilong ais (frost).
- ◆ Yu ken usim kainkain gras o lip olsem mals.

Sapos i gat mals long gaden olgeta taim, kaikai bai i kamap gut. Long taim bilong bikpela san, ol gaden wantaim mals i ken stap gut.

Yu ken putim mals bipo o bihain long taim yu planim kaikai. Yu mas lukautim gaden oltaim bai gaden i lukautim yu long ol taim nogut.



Piksa 2. Diwai lip i karamapim kaukau maunden